



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

SUMARIU

Periodu : Abril 2009

Edisaun : 2009

JULGAMENTO NO LEITURA DA SENTENCA BA KAZU KRIMES SIRA

Sumariu kazu ida nee foti hus rejultado observasaun iha tribunal Baucau durante loron hat (4). Kazu hirak nebe maka JSMP konsege monitoriza durante audensia halao maka kazu Crimes singular no kazu crimes coletivo. Kazu crimes singular lideira husi juiz singular ba prosesu tomak too lee leitura da sentenca. E kazu crimes coletivo tenke lideira husi forma Juizes coletivo nain (3) too hetan acordao. Nunee bain hira atu halao julgamento ba proseso coletivo ida nebe maka rejista iha tribunal Baucau presiza Juiz nain ida husi tribunal Dili atu bele priense kompleta kriteria coletivo hodi halao julgamento.

Tribunal Baucau durante loron 4 husi dia 13-17 Abril, konsege julga kazu crimes **6 husi kazu 12** nebe maka agenda nanis husi tribunal refere. Entre kazu **12** nee iha kazu crimes singular **4**, **kazu 2** maka hetan alegasaun no **2** seluk atu lee sentenca mai be tanba argudo sira la presensa iha tribunal portantu adia tan ba **loron seluk**. Aleinde kazu crimes singular **4** nee iha mos kazu crimes coletiva **8** nebe maka tribunal coletiva julga. husi kazu crime coletivo **8 nee iha kazu 3** maka hetan alegasaun no kazu **3** fali hetan acordao husi juiz coletivo. Husi kazu crimes coletivo hirak nee iha mos kazu violasaun sexual **1** nebe JSMP labele monitoriza tanba taka ba publiku, alein de ida nee tribunal mos adia proseso ida tan tanba arguido lamarka presena sem informasaun ba tribunal.

Alein de kazu crimes sira nebe maka temi iha leten, iha segunda feira, 13/4 tribunal mos adia kazu civil, (klaim rai) ida tanba Juiz coletiva la kompletu.

Kazu sira nebe maka adiado, tuir plano sei kontinua fali iha loron nebe maka determina ona tuir agenda Juiz sira nian.

Entre Kazu sira nee balun sei mai husi kazu tinan 2002 no 2007 nian.

Atu hatene informasau kompleta konaba proseso kronologia julgamentu ba kazu sira nee bele hare iha anexu sumariu tuir mai.

Baucau, 16/4/09...7

25/Crm.C/09/TDB

Kazu jogos ilegal (Totor Timor Drow) nebe arguido JM involve direita no nudar author material, julga ona liu husi tribunal coletiva iha oras 14.30. Arguido faan kupon SDSB iha nia uma rasik. Kada kupon arguido hetan 10 cent husi total folin kupon nian. Tanba

faan ou halo jogos ilegal ida nee Polisia ba kaptura arguido iha nia uma, fatin faan kupon. Polisia halo kapturasaun nee tanba iha instruksaun husi commando katak jogos hanesan SDSB, Bola guling no Kuru-kuru tenke hetan operasaun tanba jogos sira nee ilegal. Iha kapturasaun nee Polisia mos prende kupon no osan \$ 20 husi arguido nia liman.

Kona ba kazu ida nee Ministeriu Publicu akuza arguido kontra artigo 303 (1) KUHP nebe nia pena too tinan 10 cadeia.

Maske hahalok nee konsideira hahalok kontra lei no crime mai be iha tribunal, arguido hateten katak durante nee nein ema (boot ida) husi nasional ba iha sira nia Distritu esklarese katak jogos sira nee kontra lei no ilegal. Tanba tuir arguido katak sei iha jogos hanesan maka sei loke hela iha fatin-fatin mai bee too agora polisia la ba kaer ema sira nebe maka loke jogos, liu-liu nia boss sira.

Iha alegasaun, MP alega katak, arguido konfesa faktus sira nee, MP mos dehan katak depoimentos testamunho (ajente Pol) nebe maka hatoo mai tribunal nee konsideira mos nudar faktus flagrante delicto. Nunee husu ba tribunal atu fo castigo ba arguido.

Parte defesa kontra makaas MP nia alegasaun, nia hateten katak kona ba faktus sira nee arguido konfesa. Mai bee nia parte mos defende katak, “governu hanoin jogos sira nee ilegal, crime kontra lei mai bee laiha meus ida nebe sira tenki esklarese ba sosidade kona ba jogos sira nee”. Nia hatutan, “Nunee iha area rural jogos sira nee kontinua lao nafatin e liu-liu sira nebe maka sai vitima ba konsekwensi husi jogos nee maka sira kiik deit mai be governu la buka dalan atu hakotu rede nebe iha atu jogos sira nee bandu ou taka total mente”. Nunee husi nia parte husu ba tribunal atu toma konsideirasaun ba pontus balun nebe maka partes defesa hatoo ona ba tribunal hodi tesi kazu nee ho justu.

Baucau, 16/4/09....8
06/Crm.C/02/TDB

Kazu Bomba nakfera iha Triloka, Baucau nebe maka insulta ema nain 4 (J, AB, ID dan AD) hetan kanek kontinua julga. Ba audensi ida nee tribunal rona depoimentos husi testamunho nai 2 nebe mak MP apresenta. Iha depoimentos testamunho sira hateten katak sira la hare arguido CS iha mumento akontesementu mai be sira rona arguido nia naran husi vitima nain 4 nee be hetan kanek husi explosivu ida nee.

Testamunho sira mos deklar ba tribunal katak, iha feto ida naran (MB) maka dehan ba sira katak arguido ba hafu’u testamunho sira dala rua (2x) bain hira testamunho sira halo hela enkontru ida iha sira nia uma.

Ba hahalok arguido nian ida nee Ministeriu Publicu iha nia alegasaun husu ba tribunal atu kondena pena castigo ba arguido tanba arguido nudar author nebe maka hodi Bomba halo nakfera e insulta vitima nain 4 maka hetan kanek. Hare ba faktus sira nee MP mantein nafatin nia pozisaun bazeia ba artigo 340 KUHP.

Antes tribunal atu taka audensia, Juiz husu ba arguido atu hatoo tan lian fuan ruma parte husi defesa nia an. iha arguido nia lian fuan ikus hateten katak, iha tempu neba nia iha hela uma hamutuk ho nia oan nebe maka mumentu neba moras. Nia mos rezeita depoimentos Testamunho sira nian tanba nia mos halai mai iha fatin akontesementu depois bomba nakfera no ema hakilar.

Husi defeza husu ba tribunal atu tesi ho lia los no justu tanba laiha faktus nebe aprovado.inklui depoimentos testamunho sira nebe hateten katak sira mos la iha fatin akontesemento bainhira Bomba nakfera.

Baucau, 15/4/09...9

142/Crm.C/08/TDB

Tuir data akuzasaun nian nbebe maka ministeriu Publicu akuza arguido katak, iha loron 15/10/2008 iha Baucau mais a minus iha tuku 20.00 kalan arguido MB lori katana ida ta' iha iha lezada nia ulun, kakorok, e ikus mai provoka kanek iha lezada nia isin sira nee halo lezada mate. Hare ba arguido nia hahalok ida nee MP akuza katak, tanba agresaun husi arguido halo lezada mate. Hahalok sira nee arguido halo ho nia vontade no konsensia rasik. Iha arguido nia depoimentos mos konfesa nia hahalok sira nee. MP mos reforsa katak, tuir relatoria medicu esplika mos katak lezada mate tanba kanek sira nebe nia infrenta. Alein de akuzasaun iha leten iha mos antesedente criminal arguido oho nia fen rasik. Nunee tribunal fixa kondena arguido ho pena castigo tinan 10 cadeia. Bazeia ba artigo 338 KUHP.

Baucau, 15/4/09

15/Crm.C/08/TDB

Akontesemento nebe maka tuir akuzasaun iha dia 17/10/2008 iha area Baucau arguido nain rua (D no F) halo agresaun hasoru lezado tribunal Baucau iha dia 15/4 lee ona leitura da sentensa. Iha akuzasaun nebe maka MP akuza ba arguido sira katak arguido nain rua halo duni agresaun hasoru vitima ho tudik sona iha vitima nia isin vital (hirus matan) mai be tanba vitima hases an nunee tudik kona deit iha vitima nia liman fuan. Ba hahalok arguido nain rua nee MP akuza ho artigo 335 Jo 53 (1) KUHP.

Hahalok sira nee arguido halo ho vontade kondente rasik.

Iha leitura da sentensa nee tribunal fo absolve ba arguido D maibe selu kustas da Justica. Nunee mos tribunal kondena pena castigo tinan 3 no selu custas Judisiariu ba arguido F tanba nudar author material ba crime ida nee.

Atu hetan informasaun kle'an favor kontaktu:

Luis de Oliveira Sampaio

Direitor Executivo JSMP

Diresaun E-Mail: luis@jsmp.minihub.org

Landline:3323883

